

Webinar Serantau Asia Tenggara himpun ahli akademik, penyelidik dan pelajar

UB 29.11.2021 P.08

KOTA KINABALU: Webinar Serantau Asia Tenggara Sesi 1/2021 anjuran Jabatan Pengajian Am Politeknik Kota Kinabalu (PKK), Universiti Malaysia Sabah (UMS) dan Politeknik Negeri Bandung Indonesia (POLBAN) diadakan pada 27 November 2021.

Melalui tema Pendidikan dan Penyelidikan Pasca-COVID-19: Malaysia dan Indonesia, webinar yang diadakan secara dalam talian ini menghimpunkan ahli-ahli akademik, para penyelidik dan para pelajar untuk berkongsi pandangan terhadap perkembangan semasa dalam isu pendidikan dan aspek-aspek berkaitan di kawasan rantau Asia Tenggara.



KONGSI PANDANGAN: Para peserta dan panel merakamkan gambar bersama.

Pengarah PKK Zainab Othman dalam ucaptamanya berkata, webinar berkenaan adalah platform perkongsian ilmu dan pengalaman berkaitan perubahan kaedah pembelajaran disebabkan pandemik COVID-19.

Selain itu katanya, ia mampu untuk memberi perspektif baharu dalam trend Pengajaran dan Pembelajaran (PdP) norma baharu.

“Webinar ini memberi peluang kepada para pendidik untuk membincangkan isu



ACARA: Sesi dialog antara pelajar PKK, UMS dan POLBAN.

semasa dalam pendidikan dan cabaran yang dihadapi dalam mengadaptasi PdP dalam talian dan hibrid pasca COVID-19.

“Kolaboratif antara PKK, UMS dan POLBAN ini menjadi pemangkin kepada PKK

dalam penghasilan tenaga kerja mahir di peringkat antarabangsa.

“Ia sekali gus menjadi inisiatif untuk membantu Kementerian Pengajian Tinggi (KPT) selaras dalam memperkukuhkan Pendidikan

dan Latihan Teknikal dan Vokasional (TVET),” katanya di sini.

Menurutnya, enam panel memberi perkongsian antaranya Timbalan Pengarah Akademik PKK Norhanom Awang; Timbalan Naib Canselor (Penyelidikan dan Inovasi) UMS Prof. Madya Dr. Ramzah Dambul; Direktur POLBAN Prof. Madya Dr. Rachmad Imbang Tritjahjono; Dekan Pusat Penataran Ilmu dan Bahasa UMS Prof. Madya Dr. Lai Yew Meng; Ketua Unit Penyelidikan, Inovasi dan Komersial PKK Zinvi Fu; dan Kepala Pusat Penelitian dan Pengabdian Masyarakat POLBAN Prof. Dr. Kasni Sumeru. *